

Protocol no. 54
Sezzüda da mardi, 6 avriql 2010, 20.00 – 23.35

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 52 da la sezzüda dals 22 marz 2010 e'l protocol no. 53 dals 29 marz 2010 vegnan approvats.

440 021 FABRICA
Annatina ed Armon Nuotclà – Renovaziun boqn e fanestras – Saglina

Sün dumonda da la famiglia Nuotclà decida il Cussagl cumünal da dar il permiss per realisar la lavuors manzunadas aint il titul cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inchascha üna taxa da trattamaint da fr. 50.--

441 021 FABRICA
Max Dudler – Renovaziun chasa – Bügliet 72

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint			fr.	750.--
- taxa d'attach d'aua, prov.	1.5	%	fr.	11'250.--
- taxa d'attach chnalisaziun e sarinera, prov.	2.0	%	fr.	15'000.-- excl. ipv.
- taxa d'attach provedimaint electric, prov.	1.0	%	fr.	7'500.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
5. Ils cuosts implü pel parair juridic van tenor art. 96 KRG a charg dal patrun da fabrica.
6. Las indicaziuns da la pulizia da fö sun part integrala dal permiss da fabrica.
7. Il muoster dal tet e da la fatschada ha da gnir preschantà ouravant a la cumischiun da fabrica.
8. La taxa directiva importa tenor ils plans inoltrats, prov. fr. 39'600.--. L'import definitiv vain erui in connex culla collaudaziun da fabrica.
9. La taxa da cumpensaziun tenor art. 10 da la ledscha da 1. e 2. abitaziuns importa provisoric fr. 47'500.--. L'import definitiv vain erui culla stima nouva.
10. Entradas sun duos protestas. Üna protesta ha pudü gnir reglada direct dal patrun da fabrica e tshella vain refüsada dal Cussagl cumünal.

442 021

FABRICA

Max Dudler – Fouras geotermicas – Bügliet 72

Sün dumonda da sar Dudler decida il Cussagl cumünal da dar il permiss per realisar las fouras geotermicas cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inchascha üna taxa da trattamaint da fr. 100.--.
3. Il quint dal Chantun importa fr. 200.--.

443 021

FABRICA

Cumün da Sent – Sanaziun tir Parnarsura

Il Cussagl cumünal decida d'inviar la dumonda da fabrica in sen positiv a Cuaira per la procedura da BAB.

444 11

PULIZIA

Ledscha da pulizia

Il Cussagl cumünal repassa artichel per artichel da la ledscha da pulizia pel Cumün da Sent ch'id es gnüda preparada ouravant in diversas sezzüdas d'üna cumischiun eletta per quist scopo. Causa il temp avanzà segua la segunda lectüra illa prosma sezzüda dal Cussagl cumünal.

445 790

PLANISAZIUN DAL TERRITORI

Zona d'hotelleria – Archas Sura

Il schef da fabrica orientescha cha l'investur haja tschernü, davo avair valütà differents lös pussibels per realisar ün hotel, da proseguir cun ün lö sün Archas Sura. El voul savair scha'l Cussagl cumünal til sustegna in quel lö invers las instanzas chantunalas.

Il Cussagl cumünal decida da sustgnair il proget, muossa però via ch'in quel lö s'haja da far quint cun emissions d'agricultura.

446 620.501.05

Tempo 30

Cumprita d'ün muossa sveltezza

Il Cussagl cumünal decida da cumprar per fr. 8'000.-- (pauschal) ün muossa sveltezza movibel per pudair registrar las sveltezzas in cumün. L'apparat es cumpatibel cul program da la pulizia chantunala.

L'actuar: